

宋

會

要

廣南西路
移後

全唐文

宋會要懷遠城

仁宗天聖三年五月八日廣南西路提點刑獄轉運司
言相度鄭天益請移懷遠軍城并古陽縣及都巡檢僻
宇就江口寨鎮江西岸起置控扼安化等州處蠻人出
入久遠甚為捷便初帝慮勞百姓令本路相度及言省
功便民從之

宋會要

修城

諸城修改移并上

雍熙三年八月六日河北營田使樊知古請修城木百
萬牛革三百萬帝曰萬里長城豈在於此自古匈奴黃
河世為中國之患朕即位以來疆場無事則有河堤之

役近日邊烽稍警大河尋即安流此蓋天意更迭垂戒
常令惕厲然備豫不虞古之善教深溝高壘亦王公設
險之義知古所請過當重困吾民第謂有司量以官物
給之 咸平四年八月七日陝西轉運使劉綜請於浦
洛河建城為軍帝曰頗有臣僚曾獻此議且城郭既立
又須屯兵屯兵不多寇來不可悉戰止閉壁自守則軍
城之立未見其長呂蒙正曰聖慮所及深得理要願罷
其請從之 景德元年四月二十九日詔沿邊州軍役
人修城隍且令官吏常切按視飲食以時均其勞逸無
過督責致其逃亡其北平寨築堤導河水灌十良淀者
宜罷之先是帝以北邊工役煩重漸及炎夏慮使者不

能優恤又周懷政自北面來帝閱地圖以才良浚地極
卑下至夏秋自有積水不必勞役故有是謠 二年三
月十八日詔河北諸州軍城敵樓戰棚有隳損者即葺
之慮罷而列郡廢怠故也 三年二月十五日詔開調
州調民修城頗亦勞苦即罷之第用州兵以漸給役
四年三月五日詔近徙祁州而頗為迫隘南開舊城令
葺以裨益之 四年十月一日詔河北諸州軍增葺城
池櫓之具令轉運使沿邊安撫都監分往檢校天聖三
年八月四日河北轉運使言沿邊州軍霖潦之後修浚
城隍功料甚大役兵不足欲伺農隙差鄉村強壯共力
營葺從之 六年九月十四日詔河北沿邊及近裏州

軍城壁令逐處總管知州軍同判幹轄都監如城池敵
樓壕塹等摧損亦并修之自通和已來只修近邊州城
今并力修飾之又詔天雄軍城壁并敵樓年深候將來
檢計修御河漳河時併城壕寨令檢計差夫修之 明
道元年十二月二十二日河北轉運司言相度高陽開
城壕開濶別無妨礙詔自今春秋但作渥城取土漸次
開浚不得張皇 康定元年三月五日詔陝府以西城
池令都轉運司相度除近邊衝要之處即依前數催督
修築自餘州郡止以役兵漸次興葺無得差率人夫致
妨農務 康定元年四月十九日陝西安撫使韓琦等
言慶廊涇三州修城有妨農種復少兵士以代夫役今

請聽富民獻力自願人夫修築三萬功者與太廟齊郎
五萬功與試監簿或同學究出身七萬功與簿尉八萬
功與借職十萬功與奉職從之 慶曆元年七月詔河
北河東近經霖雨恐城壁墜壞及甲鎧弓弩損濕其令
轉運安撫司點檢完葺及所部有哀疾不任職者遷吏
代之 三年正月十九日以提點河北路刑獄王儀提
舉本路修葺城池器械及置堡寨烽火教閱軍陣市馬
等事 二十六日詔河北轉運提點刑獄安撫司提舉
脩完城壘 五年七月七日步軍都虞候狄青言四事
以來極邊州軍並已完固次邊不曾修葺西賊直至涇
川人大驚逃蓋為城壁未完今西賊納款亡將次邊州

軍因暇興脩詔令陝西轉運司相度施行 慶曆八年

九月十四日詔河北沿邊修城軍士月給特支錢 皇

祐元年三月二十四日臣僚上言江淮城壁缺落乞特

加脩葺詔以透賊謾說量葺之 五年八月二十一日

詔益梓州夔路轉運司漸脩築諸州軍城池毋致動民

時言者以甲午年有蜀變而諸州軍素無城郭之豫宜

備禦之及興工又賜役卒緡錢 治平四年六月八日

神宗即位詔河北沿邊當職臣僚常切完城壁棧櫓器

用 熙寧二年十月九日詔應河北州軍昨經地震管

勾修葺城壁敵棚棧櫓倉庫官舍功役官員的有勤勞

逐州軍長吏已下各賜獎諭令本路更切體量昨經地

震後繕完城宇救護官物內有盡心悉力優有勞績者
仰與本州長吏同共的確保明聞奏熙寧三年正月二

十三日詔諸州軍自來有於城上別作路路便門可以

踰城出入者並令廢拆不得存留續資治通鑑長編神

莫霸州信安保安軍知州軍通判并董從使臣等親詣

有差以地震修城有勞也秦鳳路經畧使李師中請廢

山州結述乾川三軍增熙寧八年九月十三日詔河北

諸州軍城壁見興修外權住修展令轉運司指揮逐處

據昨來檢計合修展城所用樓櫓漸次計置材植興造

收闕準備緩急安阜仍限三日了畢先具工料聞奏每

季具已修未修數目申樞密院 九年八月十八日中

書門下言福建路轉運副使徐億奏準朝旨修治海福

泉漳州興化軍城壁緣約用工料價錢萬數浩大乞借民力興役支與口食詔億量歲時豐凶州軍緊慢依條差夫修築 十年七月十一日河北西路提點刑獄丁執禮言竊考前代凡制都邑皆為城郭於周有掌固之官若造都邑則治其固與其守法是也蓋民之所聚不可以無固與守今之縣邑往往故城尚存然摧圯斷缺不足為固况近歲以來官司所積錢斛日多於前富民巨賈萃於壘市城郭不修甚非所以保民備寇之道也以為完之之術不必費縣官之財擇令之明者使勸誘城內中上戶出丁夫以助工役漸以治之緣城成亦亦之利非彊其所不欲也仍視邑之多盜者先加完築次

及餘處庶使民有所保而杜塞姦盜窺覲之心詔中書
門下立法以聞中書門下言有詳天下州縣城壁除五
路州軍城池自來不闕脩完可以守禦外五路縣分及
諸州縣城壁多不曾修葺各有損壞亦有無城郭處緣
逐處居民不少若不漸令脩完竊慮緩急無以備盜今
欲令逐路監司相度委知州知縣檢視城壁合脩去處
計會工料於豐歲分明曉諭勸諭在城中上等人戶各
出下夫脩築委轉運使勘會轄下五路除沿邊外擇居
民繁多或路當衝要縣分諸路即先自大郡城壁損壞
去處各具三兩處奏乞脩完候降到朝旨依下項一委
轉運司先體量合脩城州縣知州知縣人材如可以倚

辦集事即行差委如不堪委知州即具奏乞選差知縣
並許於本路官員內選擇對換或別舉官其被替人却
令赴銓院依舊名次別與合入差遣仍並不理為遺闕
一令所委官躬親部領壕寨等打量檢計城壁合修去
處州縣並依舊城高下脩築其州縣元無城處即以二
丈為城底濶一丈五尺上收五尺如有舊城只是損缺
既檢計補完其州城低小去處亦須增築令及縣城又
尺分擘工料紐算却計合用人工物料若干数目申差
官檢覆委無虛計工料即各令置簿抄錄依料次興脩
一於豐歲勸誘在城上中等人戶各出人大仍將合用
工料品量物力高下均定逐戶合出夫數出榜曉示及

置簿拘管從上輪番勾集工役仍限三年了畢如遇火傷年分亦許依常平賑濟法召關食人民工役支給錢米一應合用修城動使椎木博子椽之類並委轉運司勘會有處移挪之撥其椽木亦許於係官無妨礙地內採斫充使一應城門並檢計合用物料人工差官覆檢支破官錢收買應副使用從之 元豐二年正月十七日詔諸路脩城於中等以上戶均出役夫夫出百錢其役廣戶狹處以五年分五限餘以三年分三限送官為相度募人或量增役兵脩築如錢不足預具數以聞遇災傷及三分年仍權住輸錢 五年七月二十三日詔邠延路見脩六寨其長城嶺寨以西接連環慶路金湯

白豹已指揮環慶路差二萬人並邊照應若別無興作
即是虛勒軍馬令徐禧沈括計議當進築城寨處與曹
市議定以間八月二十五日環慶路經畧使曹布言洛
原故城可以建一城白豹和市可以建一寨宮馬川可
以建一堡從之令李察應副侯鄜延路兵勢相接方興
板築十一月九日鄜延路經畧司言塞門山城逼山
受敵有古城基井古壕垠權本路第三將米贊和募禁
兵興築凡七日工畢詔米贊減磨勘二年六年九月
十二日河東經畧司言本路有當脩城壁工料浩大轉
運司錢穀有限必難應副乞賜度僧牒五分分與沿邊
州軍和顧民夫脩繕其次邊及近裏州軍乞令轉運司

就農隙度工料發民夫從之 元符三年十一月十日

中書省南書省到工部狀臣僚劄子奏竊見元符元年十二

月二十三日朝旨將陝西諸路並依涇原路申請不得

於近城脚下取土臣竊謂固護城壁何獨陝西欲乞天

下應有城壘去處並依涇原路中請施行城成坑陷者

限半月令有司填壘豫為緩急之備工部勘當欲依本

司所申如違其所主修造官科丈八十罪當職都監監

押有失檢察減罪二等從之年續資治通鑑長編元符二

呂州文縣奉議郎通判知州沈街宣德郎持服人王高

淮南節度推官知連州新寧縣張漢各持符替奉議郎

楊阜任街替人例王高任服闋日進以計理所書額

等進我修城從之大觀二年五月四日樞密院劄子臣僚言

募錢流民

諸州壯城兵士州軍多巧作名目影占差充他役不得
專任修葺城壁欲乞責在知通如任滿或非次替移令
遞相交割若有損壞去處令新任官不得隱庇其實中
樞密院相度若城壁大段損圯取旨點責所責知通任
責提轄兵官免有他役之弊因致損壞誤事及枉費官
錢從之 二年五月二十六日河東路提點刑獄司狀
承都省批下承議郎趙希孟劄子竊見備城之具以篋
離為先河東素不產竹止以軟木條子為之不經歲月
便成糜爛難禦矢石今欲乞於懷州河南府等處根括
係官竹園分作二年間歲洗斫令遞鋪般運於澤州置
場專委知通職官管勾先沿邊次次邊挨排撥送逐州

作院造作篋籬使用如更不足即乞行下江南兩浙出
產去處根括係官竹或收買逐旋官船附帶至都下却
令遞鋪搬送澤州置場處送工部行下河東路提刑司
本司今相度所用防城篋籬若依趙希孟起清經久委
是利便從之 宣和三年閏五月八日江浙淮南等路
宣撫司奏浙江被賊六州睦歙杭衢婺處曾經焚劫秀
越二州經賊圍閉臣勘會秀越二州昨因兇賊初犯睦
杭州之後逐州補充城壁粗可守禦歙州元無城壁睦
州係就舊基並合創築城池雖目今事力未完緣逐州
首被賊擾居民若無城壁無緣安居須著先次築城杭
州城基四十餘里地步大寬若全修舊城不惟目前費

功異日亦難守禦如未修城民戶未盡安樂不免就其
形勢減縮因舊日脩完如此省功民情樂為已行下欽
睦州杭州依此脩築外有衢婺處州臣聞皆有舊城內
婺州城內官私舍屋全不經焚燒衢處城郭被燒至多
其城各可以因舊增葺臣聞完城壁濬池壕備賊寇州
郡之常事但東南久不用兵官司懈弛是致一日賊發
人不安居今措置江浙不以曾未脩築城池如自來未
曾招置壯城人兵去處帥府以三百人節鎮以二百人
支郡以一百人為額專一修濬城池不得別兼他役庶
幾日久不致頽圯詔杭州江寧府城壁並因舊脩完不
得減縮餘依宣撫司措置到事理施行二十九日中書

省言勘會諸路州軍城壁除已修築去處外其餘路分應合脩完城壁內有不置壯城州軍未有該載逐旋申請不一詔無壯城州軍即剗刷本處廂軍工役仍量度緊慢逐旋脩築合用錢物並令轉運司剗刷那駐應副合置壯城關額去處委當職官限一月招填足額十一月二十八日朝散直祕閣沈思奏前日鼠寇竊發十百為郡輒敢侵犯郡邑者獨以城郭不完而城郭之所以不完者以州郡壯城兵卒雖有條禁不給他役然皆玩習故常恬不知畏工匠役使冗占殆盡坐視城郭隳圯不復繕完臣愚以謂諸路州郡量大小宜皆置壯城兵仍責守二兵官旬月檢察脩完城壁欲望申明舊法

詔申明行下今後諸路州軍脩完城壁了畢如功力就
大依元豐法遣工部郎官前去覆按 靖康元年三月
二十二日臣僚言聞京畿諸縣及汝州蔡州順昌河中
鳳翔等處見脩城壁工役浩大汝州用六十四萬八千
工差科率斂尤為煩擾方春東作衆務畢舉驅民捨業
從事工役既違天時又虜已渡河河南非受敵之所近
調兵運糧民力凋瘵若又大興工役勞費已甚欲乞速
降指揮除與河東河北接連要害之地其京畿縣汝蔡
順昌等處權罷庶幾可以息目前之急詔除河東河北
并滑濟州外並權罷候農隙日取旨 五月十日詔河
北京東路州軍城壁合行脩治仰逐路帥守多方計度

速行脩繕安置樓櫓其縣鎮民間自願出力脩築者聽
令佐監司官為部率毋得搔擾委有功績仰帥臣監司
保明以聞 紹興六年三月一日尚書省言諸州城壁
往往倒塌不即補治及將壯城人兵違法他役有乞脩
去處增添高闊徒費工力不能就緒詔令逐路帥司督
責所屬州軍如有損壞用功不多仰一面計置用壯城
人兵脩治不得科擾若倒塌稍多不能自行整葺即審
度實用工料開具見管壯城人數供申不得隱落虛椿
大計或城大難以因舊亦仰隨宜減處務要省便仍將
合減處去丈尺畫圖及今後具所管城壁有無損壞事
狀並申尚書省 淳熙三年十月五日詔諸路帥司行

下所部州軍專令守臣分委在城都監等各認定地分
常切照管城壁遇有損動開裂隨即脩治守臣以時躬
親點檢歲終具已脩補圓備帳狀申本路安撫司若守
臣去替即令新官依此施行

全唐文

宋會要

政和元年正月二十六日京東路轉運使奏准樞密院
劄子臣僚上言勘會京東路軍州城壁內外空閑地段
多是違法人戶請佃並不曾栽植寸木每至修補城壁
即須支破官錢收買木植又從而搔擾人戶積歲所費
蠹耗公私不輕今相度欲乞逐州委自兵官一員於內
外城脚下栽種槐榆柳棗以備修補城隍之用貴免侵
損公私即不得非時以剝破為名應副他用依河北濠
城司栽種比較青活死損法賞罰所有其餘路分軍州
應無居止不係占射地段似此可以栽種去處仍乞依

此施行大觀四年十二月二十七日送京東轉運司相
度保明本司今相度委是利便從之

宋會要 清陽城

京畿路

宣和三年以開封府中牟縣紂王城改作清陽城

宋會要 定州城

河北路

元豐二年五月二日定州安撫司言奉詔俟有機便修展保州關城今涿州發兵夫脩城欲來此於來春築保州城從之止作幫築元豐二年九月二十九日詔脩定州城以明年合起民夫及河北路兵二千兼州兵充役元豐三年六月十二日詔定州路安撫司給封樁紬絹三萬脩保州城元豐四年四月二十二日建雄軍節度使知定州韓絳脩保州城畢賜詔獎諭 徽宗建中靖國元年正月六日工部看詳定州路安撫使司狀今

相度到定州不依式脩過樓子欲將舊米法制施行所
有馬面相去五十餘步去處委是稍稀如因今有摧塌
即將稍稀去處依元豐城隍制度添置本路及其餘州
軍並乞依此施行從之崇寧五年十月十日詔降元
豐城隍制度法式京畿轉運司如增脩諸輔遵以從事

河北路

全唐文

宋會要

棣州故城

大中祥符八年正月十一日詔

棣州城於州之西北七十里陽信縣界八方寺即高阜
居之先是河北運使李士衡言棣州河流高於郡城者
大餘朝廷累年後兵脩固蓋念徙城重勞民力而去冬
已來感凌冰下尚有衝注如解凍之後河流迅奔必有
決溢之患今請移州於陽信縣界改築城邑以今年擇
隄軍士助役則永久甚利詔可仍命度支判官張績內
押班周文質乘傳與士衡等同蒞其事因降詔諭棣州
官吏僧道百姓等仍月給本州公用錢十萬許造酒每
月三犒軍校兩月一賜役夫錢其居口民田優給以直

常租及浮客食鹽錢悉蠲之城中居民屋稅免一年大中祥符八年三月二十一日棣州新城畢以圖來上舊城廣袤九里今總十二里郡民所居悉如舊而給之其外創營宇廨舍賜役夫婚錢仍宴犒官吏將士帝以執役有死亡者又遣使命僧為水陸齋

宋會要

青州府志

慶曆四年八月十二日知青州陳執中言奉詔權罷修州城契丹雖遣使再盟然未保其情虛實恐未可遽罷防守之備况秋稼大成人心樂於集事舊城比已興功剗削高下可窺若遂中止它日不免重困于民乞乘時完葺從之元豐六年十月十三日京東轉運使吳居厚

言準詔支鹽息錢三萬緡修青州城乞不用六年鹽息錢止以支不盡腳錢應副從之

宋會要

膠州城

宣和三年十二月十三日朝請大夫秘閣修撰知密州李延熙奏遵御筆以城壁壞塹湮廢歲久委臣躬親檢計責立近限剋刷人兵併工修完臣恭依處分措置督促不踰兩月並已畢工具圖狀奏聞聖旨令本路漕臣前去覈實同李延熙具元修完工力等第保明聞奏漕臣王子獻將元監修官工力等第申奏御筆李延熙可令學士院降詔獎諭監修官第一等通判趙士源特轉一官第二等兵馬鈐轄任藻等減三年磨勘第三等士

曹朱端夫等減二年磨勘行遣人吏第一等支給十貫
第二等支給七貫

宋會要瀛州城

慶曆七年二月二十三日河北安撫司言瀛州修北關城甚是張皇竊慮引惹生事欲乞住修從之六月十九日北京賈昌朝言勘會瀛州昨展州開城已填塞大壕空歇不便緣諸處緊占兵士無應副功役欲乞且令開壕放水通流候今秋河上諸處休閑兵士即併手修築從之熙寧元年八月十七日瀛州言本州自地震摧塌城壁樓櫓檢計人功料物乞朝廷指揮應副御批據所計材植人兵工匠數亦不至浩瀚其見役人寔令分使不足非久虜使入界若拖延至日城壁尚未具觀瞻誠亦不好况河北災傷輕可及全無事州軍甚多或且令

盡刷見管廂兵亦必大段有數邊防重事不可一日闕
備其所乞事件朝廷且須與竭力應副可並如所請指
揮七年七月二十八日詔瀛州修城將欲畢工可令軍
器監監丞一員將帶壕寨計會本路監司一員同按視
驅磨具依與不依元奏丈尺工料結罪保明聞奏仍具
有無未盡未便利害今後五路州軍修城並依此

宋會要

卷之六十一

瀛州肅寧城雍熙中置名平虜橋寨淳化二年改平虜
城景德二年改今名

河北路

河北路

全唐文

宋會要 冀州城

熙寧八年正月二十七日詔冀州增築舊城未幾已有
摧塌董役使臣重行責罰不用赦原河北興役處依此
約束

宋會要 蒲陰故城

咸平六年六月六日定州都總管司言定州蒲陰縣居
中山寧邊軍之間當高陽關會兵之路合再興葺帝曰
言修此城量屯戍兵者甚衆宜可其奏景德元年九月
二十四日詔諭祁州軍民等朝廷已令修築蒲陰城為
祁州去舊州百里許將議遷焉各宜知委先是帝曰祁

州城池不當要害素不修完將來戎人奔衝已議更不
固守雖曾遣使密諭朝旨候至時令入近便城寨其城
中人民未知恐為官司所誤故有是詔 又詔祁州葺
蒲陰縣徙居民廬舍遷縣宇營壘漸向冬寒土功勞擾
所有官吏自來承受宣敕公案簿籍等並且於舊州收
管候至來春修築畢日移置其舊州內外百姓等如情
願往新州居止及欲徙於他州只在舊處者並聽先是
河北轉運司言欲廣蒲陰縣城西北面各三里以舊城
墻為子城其舊城百姓並令於新城及草市內分布居
止所占蒲陰縣民稅田除許自占外餘者蠲其祖舊州
自來屯兵不通漕運令新城濱河路易致軍食甚便故

有是詔 先朝誓書為賊聲援其蓄計不淺况國家前
年方修河北沿邊故蒲陰城再盟之後尋即罷役請下
東安撫司詰其因依或因賀乾元節使人還責以信誓
使罷修二城以破未然之患從之

宋會要 雄縣城

天禧元年八月十六日詔雄州李允則自今如城壘頽
壞壕塹堽寨即漸令修完不得創有興修及差役近上
禁兵初允則於本州大修門戶牆塹帝聞之故有是詔
天禧三年五月二十五日河北沿邊安撫司言準詔規
度雄州城北擁城其地甚廣兼有準備材木望令本州
漸蓋舍屋冀行旅往來有所障蔽從之

全唐文

宋會要 大名府城

河北路

元豐六年十二月十四日大名府路安撫使司言博州軍資庫有熙寧元年河北安撫使滕甫吳充用空名敕告召人進納見錢九千九百四十五緡乞以修治本路州府城櫓從之

宋會要 澶州城

河北

景德元年十月四日知澶州張秉言已調集丁壯修葺州城帝以戎寇在境而內地遽有完葺恐搖人心命亟罷之康定二年九月三日知澶州張觀言修城合用敵樓戰棚取今月二日興工詔緩其造作毋得張皇搔擾

河北

城制不得過三十尺

宋會要瀛州城

慶曆七年二月二十三日河北安撫司言瀛州修北關城甚是張皇竊慮引惹生事欲乞住修從之六月十九日北京賈昌朝言勘會瀛州昨展州闕城已填塞大壕空歇不便緣諸處緊占兵士無應副功役欲乞且令開城放水通流候今秋河上諸處休閑兵士即併手修築從之熙寧元年八月十七日瀛州言本州自地震摧塌城壁樓櫓檢計人功料物乞朝廷指揮應副御批據所計材植人兵工匠數亦不至浩瀚其見役人實令分使不足非久虜使入界若拖延至日城壁尚未具觀瞻誠

亦不好况河北災傷輕可及全無事州軍甚多或且令
盡刷見管廂兵亦必本既有數邊防重事不可一日闕備
其所乞事件朝廷且須與竭力應副可並如所請指揮
七年七月二十八日詔瀛州修城將欲畢工可令軍器
監監丞一員將帶壕寨計會本路監司一員同按視驅
磨具依與不依元奏丈尺工料結罪保明聞奏仍具有
無未盡未便利害今後五路州軍修城並依此

宋會要滄州城

政和四年十月二十二日通議大夫充徽猷閣待制高
陽關路安撫使吳玠奏準政和三年七月八日御前劄
子相度到滄州淤澱城壕分作三重置立中墀面濶丈

尺依圖開展臣充提舉滄州守臣充管鈎又準今年六月十八日御前劄子候工畢其管鈎部役官吏等可第其功力優劣來上當行賞敘臣契勘滄州城濠自今年二月二十九日興工至八月二十六日了畢所有一行官吏等實有勞績數內提舉官吳价管鈎行遣文字及往來點檢催促宣義郎管鈎高陽關路安撫司機宜文字王競管鈎行遣文字及專一管鈎事務朝請郎高陽關路安撫都總管司鈎當公事梁康祖朝奉大夫權通判信安軍權管鈎滄州似詔各特與轉一官其梁康祖告令所屬收掌候服闋日給

秦鳳路

宋會要 來賓縣城

來賓城 崇寧三年以乳當川置

熙河路

宋會要定西城

元豐四年於通遠軍北一百二十里置定西城元豐五年以定西城易直通遠軍以汝邏堡為定西城元豐六年閏七月十四熙河蘭會路置制使司上增築定西城通四寨文武官功狀詔五等皆賜銀絹第一等四人三百匹

宋會要定羌城

定羌城熙寧七年置在河州境

宋會要寧遠城

天聖十年修赤蒿城堡改今名隸河州

宋會要伏羌城

熙寧
鳳路

建隆三年置管小寨十一日得勝榆林大像菜園探長
新舊水谷聖林丙龍石人鋪寨駝項熙寧三年增置南
城改寨為城熙寧三年二月二十八日秦鳳路經畧使
李師中言廢山丹納迷川三堡增收秦州伏羌寨為城
從之

宋會要德威城

會州德威城在舊清水河政和六年置

宋會要韓公城

慶厯初守臣韓琦以秦州東西城外有民居軍營恐資
寇元年十月己卯詔增築外城乃廣外城十一里與內
城聯合為一城秦民德之號韓公城興功於元年十月

三日成於二年正月二十七日廣四千一百步高三丈
五尺計工三百萬西一云東關城元豐七年二月三日賜秦州
度僧牒百一十五修城

宋會要南市城

真宗大中祥符九年三月二十五日秦州請築城南市
從之是城本曰南使蕃語訛謂之南市西南抵秦州百
五十里去渭州籠竿城八十里秦渭相接控扼西戎之
要也曹瑋請用秦渭五州兵泊近寨弓箭手守城而居
焉異日戍兵代還則別募勇士三千為南市城弓箭手
處之

宋會要畢利城

熙寧元年八月十三日秦鳳路走馬承受公事王有度言秦州修畢利城櫟珠堡役本州六縣義勇乞與免諸般科配三年權住今冬閱教一次城下搬運糧草材植義勇及弓箭手寨戶沿路身死者及量友孝贈錢詔義勇特與免二年科配因搬運糧草及工役身死者每一人贈錢二貫文弓箭手寨戶亦依此

宋會要 甘谷城

熙寧元年六月三日李師中言準詔勘會昨展置甘谷城所拘占湯谷內田地條與不係心波等三家仍令王韶劉希奭與同蕃部首領標定界至具詣實以聞尋令王韶劉希奭計會高遵裕同往諸部族內體量其間有

蕃部標撥却入官地土數多今耕種不足者却與元獻
納內三分給還一分其弓箭手亦不得執元額人數只
據合入官地土招人却揀選精銳退去孱弱如此則不
害邊計稍塞弊源詔帥中令韶希奭還詣蕃部所獻地
土體問蕃部逐戶的實情願獻地數有非元初情願者
並給還之餘依所奏七月五日詔秦州新築大甘谷口
寨城賜名甘谷城置知城監押守焉二年二月八日秦
鳳路經畧安撫使司言秦州甘谷城通渭堡至古渭寨
一帶弓箭手耕種堡子已差官相度檢計功限修築次
詔令孫永委差去將官相度須量逐處地分所管人馬
多少遇事宜保聚老小能容着得盡方為穩便

宋會要 清水城

政和六年六月十八日陝西河東路宣撫使司奏遵奉
聖訓措置修復湟州古骨龍會州清水城並畢工今先
次條具到漕運應副等官伏望優與推恩都統制官劉
法己降制外統制何權趙隆同統制辛叔詹等奉御筆
何權轉拱衛大夫遷郎防禦使趙隆辛叔詹二人並換
正任防禦使統兵修築清水河城官統制劉仲武除觀
察使辛叔詹轉遙郎防禦使中侍大夫隨軍走馬承受
鄧珪劉彥遵王端李君諒各轉一官經畧使趙通馬防
張莊姚古李諲各轉一官內有止法回授親屬應副錢
糧孫瑛轉兩官程唐轉兩官內一官除直龍圖閣應副

熙河路劉韜張仲英已歿故轉兩官劉韜一官除直龍圖閣張仲英回授白身親屬蓋旣郭允迪張深各轉兩官內一官除直秘閣高衛席貢除直龍圖閣軍前照管張大鈞轉兩官內一官轉選郎刺史修築熙管趙遇取兩官應副本司官任諒張構梁統各轉一官

宋會要臨洮城

大觀大年改為洮州

宋會要震武城

涅州震武城政和六年以古骨龍城改

宋會要安羌城

宣和六年以蓋機堡改

宋會要蘭泉廢城

元豐四年九月十三日熙河路都大經制司言收復蘭州蘭州古城東西約六百餘步南北約三百餘步大兵自西使新約百五十里將至金城有天澗五六里僅通人馬自夏賊敗衄之後所至部族皆降附今招納已多若不築城無以固降羌之心見築蘭州城及通過堡已遣前軍副將苗履中軍副將王文郁都大主管修築前軍將李浩專提舉從之元豐六年五月二十日詔蘭州展築北城其南城若依舊則城圍太廣難於守禦若平居多置守兵又耗蠹糧食候展築北城將畢即廢南城

宋會要蕭關縣廢城

涇原路

元豐四年十一月初九日上批付盧秉曰張大寧奏乞城蕭關故城以為根蒂或効已見力於熙河自城蘭州及辰置戍壘之後羌人相繼降附者已數萬帳迄今効順接跡不絕卿其早圖之

宋會要平夏城

平夏城舊石門城紹聖四年改大觀二年改為懷德郡紹聖四年九月二十七日涇原路經畧使章深奏昨進築平夏城首先與臣議論并應副軍興提舉官並功效顯著乞優賜推恩詔轉官循資減磨勘年陞擢差遣有差元符元年二月十四日樞密院言近降指揮令章深鍾傳等相度平夏城會合三路兵馬修築今據章

案鍾傳奏候計置糧草及守城之具足備或乘春草長
戍伺隙進築乞且依已降朝旨各於本路進築候有間
隙即依朝旨施行續據鍾傳中到渭州與章案論議正
原等處進築無不合天都一帶無不合天都一帶無草
後候計置有備同共進築今經原九羊谷熙河巔耳關
逐路自合先次興築須於旬日之內了當其沒煙峽口
至平夏城止二十里熙河青南訥心去巔耳關不遠斟
酌機會乘此修築一面從長施行仍仰章案於新築三
城寨增置糧草足備可以興舉即聞報鍾傳依所降朝
旨會同三路兵將進築沒煙後峽正原等處詔令章案
鍾傳遵依施行如逐路利害不同聽各具所見以聞

廊延路

學環慶路

複

宋會要羅兀城

熙寧三年三月十八日詔羅兀城宜令趙高相度如不可守令棄毀訖奏河東所報探西賊水軍恐於石州渡河令呂公弼過為之備撫寧失陷人令經畧司按實具數聞奏羅兀城濱草堡令轉運司更不得運糧草前去

宋會要舊市城

舊市城紹聖四年正月二十四日以知通遠軍康謂等修築畢工賜銀絹有差

宋會要懷遠城

明道元年十月甲寅鎮戎軍新修亦橐城名為懷遠城

不寫宋會要南牟會新城

元符二年改為西安州

宋會要耳朶城

慶州耳朶城大中祥符元年築

宋會要定邊城

元符二年四月二十五日環慶路經畧安撫使司言新築定邊城川原厚遠土地衍沃西夏昔日於此貯糧今投來蕃部日衆可以就給土田使之種植本路舊蕃弓箭手散處城寨分隸諸將今歸附之人乞更不分隸別置總領蕃兵及同總領以領之從之

宋會要駱駝巷城

元符二年五月二十七日環慶路言進築駱駝巷城畢

工詔賜工役兵民錢有差

宋會要 白豹城

元符二年五月十四日胡宗回言築白豹城寨畢工詔
入役漢蕃兵人各賜銀有差六月二十七日詔進築環
慶路白豹城畢工東上閣門使戎州團練使本路鈐轄
張存為四方館使充副總管左藏庫使都監种朴為皇
城使權鈐轄降授宮苑使權都監張誠復皇城使遙郡
團練使為都監各賜金帛有差

宋會要 大順城

慶曆二年范仲淹於慶州柔遠寨東北四十里大順川
建城四月辛巳詔城名大順

張載為
之記

秦鳳路

卷八十七

宋會要定遠故城

紹聖三年五月六日權熙河蘭岷路經畧司公事游師
雄言東關質孤勝如堡定遠城一帶舊管認巡檢地分
除東關質孤堡北隔大河外並係占穩地形可以探望
賊馬又定遠城熨斗平堡通四道諸寨巡綽地分皆在
口鋪之外並係自後巡馬所到乞並管認為界詔從之
仍令經畧司差人巡綽卓望令西人習知此處為界

宋會要興平縣城

永興軍路

興平城

舊元家新寨元符元年改今名

皇城副使兼閣門通事舍人

种朴遷文恩使以統制兵馬進築興平城橫山寨也

秦鳳路

宋會要

南平會新編

泰定為元
朝年神異
嘉定士誤

元符二年改為西安州

宋會要 甘州城

泰定三年三月六日樞密院臣火沙王等奏甘肅省言
甘州城為邊徼重地且多錢糧而其城壞請以軍士三
千九百人修築之臣等議昔城甘州嘗發旁近漢軍今
請依前例上從之

環慶路
邠州

永興軍路

全唐文

宋會要 改邠州城

熙寧四年二月四日環慶路經畧司言已修完邠州城
壁樓櫓了當御筆勘會昨以麟府城壘守具顏弛曾指
揮陝西諸路令沿邊次邊州軍城寨各用心整葺修完
今邠州首能奉法了當可特旌賞之既而賜官吏銀絹
有差

宋會要 延安城

元豐六年閏六月十三日權發遣陝府西路轉運副使
公事范純粹言見修治延州城許令用軍須金帛錢糧
如不足以朝廷所賜入便錢支用其他城若雖被旨修

永興
軍路

廊延路

治若不依延州已得指揮即無由辦集欲望朝廷詳酌
從之七年正月二十六日賜陝西轉運司度僧牒二百
修延州城

宋會要
金湯古城

金湯城舊金湯新寨元符二年改

宋會要
綏德州城

綏德城在陝西廊延路熙寧二年廢綏州置咸平四年
閏十二月十日命比部員外郎直史館洪湛侍禁閣門
祇候程順奇乘傳按視城綏州利害以聞初帝與輔臣
謀修此州而羣議不一至是詔中書樞密院會議而呂
蒙正王旦王欽若以為修之不便李沆言修之便然恐

勞民向敏中周瑩王繼英馮拯陳堯叟皆以修之使帝以境土遐邇未能周知其事命湛等往視之十九日詔築綏州城時程順奇使還言於石隰州公邊相度建城詢於吏民其利有七而害有二帝召宰臣於便殿出湛等奏曰利害昭然卿等所見如何蒙正曰利多害少乞行與修故命築之五年正月十日以西上閣門使孫全照為石隰州兵馬鈐轄屯綏州經度修城事二月十一日詔曰昨議修復綏州已興力役詢于僉衆猶或異同因令知天雄軍工部侍郎錢若水與并代州駐泊陳興乘傳詳度之儻有所便利即令施功如其不然可至罷之四月七日若水言奉詔與陳興詳度重修綏州利

尋領兵過河徧視荒廢城量用工計百餘萬材植難致又須廣屯田兵百姓渡河運糧艱阻久長計之有害無利所有防兵役夫及所運糧悉已停罷詔從之一時言事者請城綏州屯兵積穀以遏党項及邊臣互言利害前後遣使數輩按視不能決時已大發丁夫將興其役帝以其地曠絕難守特命錢若水馳往規度事有不可即罷其役近臣有執前議者帝曰太宗罄四海之力克平河東近靈武失守今如更城綏州又須輦運芻糧重費民力河東久安不可虛致困匱既而若水上言綏州頃為內地民賦登集尚須旁郡轉餉自賜趙保忠以來人戶凋殘今復城之即須廣屯戍兵倍于往日則芻

涇原路

龍竿城

糧之給全仰於河東其地隔黃河大小鐵錫二山又城下有無定河緩急用兵輸送艱阻且其地險若修葺未備蕃寇奔衝即難於固守况此州城邑焚毀無尺椽片瓦所過山林無巨木不堪采用徒為煩擾絕無所利若水即罷其役後詣關西陳其事帝嘉納之

元豐七年正月十九日陝西漕臣范純粹言綏德城當寇衝請立軍以七城砦隸焉

在州東北二百里

宋會要 王官城

慶歷四年置管石門堡名王家城

龍竿城大中祥符七年修築天禧元年五月二日權涇原路駐泊都鈐轄郝崇等言掘龍竿城壕自上石門至

涇原路
羊牧隆城
統萬城

水興軍路
銀川城

卷八十八

三

鎮戎軍功畢詔獎之仍賚器帛賜將士解錢
羊牧隆城天禧元年修築在涇原路

淳化五年四月四日詔夏州舊城宜令廢毀居民並遷
於綏銀等州分以官地給之長吏倍加存撫先是帝以
夏州深在沙漠本姦雄竊據之地欲隳其城遷民於綏
銀以來因問宰相夏州建置之始呂蒙正等對曰昔赫
連勃勃後魏道武末僭稱大夏天王自云徽赫與天連
又號其支庶為鐵伐氏云剛銳如鉄可以伐人蒸土築
城號曰統萬言其統領衆多也自赫連築城已來頗與
關右為患今遷於內地斯萬世之利也帝從之
銀州城在今神木縣崇寧五年以銀州改

永興軍路

河東路
震威城

宋會要 古烏延城

烏延城正據山界北垠舊依山作壘可屯士馬東望夏州且八十里西望宥州不過四十里下瞰平夏最當要衝土地膏腴依山為城形勢險固欲乞移宥州於此舊宥州地平難守兼在沙磧土無所出先於華池油平築堡以接兵勢川路稍寬可通車運聚積糧草器具事事有備併力烏延先補山城山城畢乃築平城此地膏美去鹽池不遠其北即是牧地它日當為一都會鎮壓山界屏蔽廊延其銀夏州及可置鹽監鐵冶錢監馬牧因峻控扼候烏延功畢漸次計置

震威城在府州舊鐵爐骨堆新寨宣和六年改為震威

城

宋令公 鄂城

慶元元年二月七日樞密院遣使湖北張便所
鄂州修城壁已完備余端礼等奏乞降詔
帝切於默念令按察上曰隨境隨俗而玉照時
多有費用

全唐文

宋會要 太原府城

咸平三年九月五日詔并州舊城內人戶等曰先皇帝親總銳師削平多壘眷言編俗咸與惟新爰徙郡城就安吉築如閭編戶猶復陽曲重遷非國家興利除害之意其并州故城委轉運司告諭人戶勿復居止有見居者縣給限半月令徙新城及平晉縣祁溝等處并側近州縣鎮內請占官地住居見耕種城內者許於故城外係官田土住居耕種應故城內稅物悉除之時叅知政事向敏中等奏并州舊城朝廷先已毀廢其人戶不合就彼居住乞並令起移故有是詔

河東路

宋會要

晉州城

熙寧九年十一月二十一日詔賜河東路轉運司祠部一百道付晉州修完城壁樓櫓又用仍作二年出給

宋會要

豐州古城

元和五年
東之張
河東路

元和五年十月二十九日豐州言修城工畢而城中乏水欲增築獲水城閣門就汲澗水帝曰豐州迂僻不足為邊隅扞蔽故用首領王承美為守將令自庇一方爾後總管司發軍戍守非獨外分兵力且又重勞河東饋輓昨已為葦城今又欲再興版築非所以惜費而愛民也不若量留戍兵扞部族之耕種如寇至即歸摠管司併力拒戰足以張軍勢而免勞內地民力也

兩浙東
西路

全唐文

宋會要 全華府城

紹興元年七月十三日知婺州傅崧卿言本州城壁自
來庫狹春夏霖雨倒塌幾半欲措置興修別無錢物可
以那融若只用壯城兵士則工力不足空費歲月欲於
農隙之時起七縣人夫併工修築一月可了乞降錢三
五萬貫詔禮部給兩浙東路空名度牒三百道充修城
使用

全唐文

宋會要 平江府

淳熙十一年八月二日平江府言本府城壁年深頽圯見那撥官錢計置物料差撥壯城軍兵及雇募匠人興工修砌子城所有外城未敢擅便乞劄下照會修築施行從之

全唐文

諸城修改移并下

宋會要

揚州府古城

建炎二年十月詔今揚州先次開撩城濠及措置增修城壁其教習軍兵令揚州依法施行乾道三年五月二十三日詔修揚州城先是主管殿前司公事王琪言揚州為淮東重城地面狹隘壕塹水淺四外平陸地無險乞貼築城壁開掘舊壕從之其後琪奏修城甃灰葉顯因言揚州修城工役甚大議者以為恐勞動兵衆未甚有益且欽敵人言上曰內地修城何預邊頭且誓書所不載萬一今冬有警悔又無及朝廷作事安能盡卹浮議不至張皇可也四年九月詔揚州修城入役官兵慮

有病患令逐處守令同統兵官專差職醫診視官給湯藥四月二日知揚州主管淮南東路安撫司公事莫濛言揚州城壁當時兩軍計料止於壕外取掘乾土添築砲臺不曾計料開深壕河大觀中重修揚州圖經本州城壕深一丈至一丈五尺闊十三丈至有十八丈之所本州近稍闕雨濠內極深不過二三尺至有淺涸可以通人往來竊詳固守之利莫如高城深池今城雖高而池不深竊恐冬深水涸人可平涉緩急之際深所未便欲望令殿前司并鎮江府都統制司重別計料以水面為則通展務令深闊緩急可以備禦從之五月四日權主管殿前司公事王逵言揚州城壁周圍十七里一百

七十二步計三千一百四十六丈昨申朝廷於泚城裏
周圍作卧牛勢貼展近莫濛陳訴壕河淺狹已有旨令
兩司屯戍官兵開掘深闊看祥揚州城圍闊遠處處受
敵四向平陸別無山林險阻萬一有警提出精銳占利
迎遏難坐守城池以俟攻擊其城身外表甃瓦元不曾
相驗修築慮其間不無損缺之處難以守禦欲再加相
驗別參酌工數奏聞施行從之閏七月十九日殿前司
言與鎮江軍分南北興修揚州城恐不均平上語輔臣
北邊乃受敵處將蒂因奏不如令東西分從之凡十月
畢工 淳熙元年八月二十七日詔揚州屯戍統制官
自今兼提督修城遇有城壁損缺與同提督兵官措置

疾速脩整依例交替

從樞密

慶元五年六月十六日

樞密言脩治揚州城壁其諸州起發執灰恐有計囑

俾詔今殿前司將來興工執坯仰督責合千人務要堅

實仍於執側模印關司某軍燒造其受納去處委官點

校交納以備不測取摘前去看驗其餘應干物件津運

到日仰安撫司子細交納如法安頓具已收名件申樞

察院毋致欺弊失陷官物仍令提督官常切覺察 慶

元五年八月三日詔關前司見差揚州脩城官兵二千

人并令鎮江都統制司更就差武鋒軍一千人並權聽

安撫郭景節制措置脩補城壁卓立樓櫓脩治女牆等

以為經久之計將見在錢米物料等依所奏事理提數

分給兩司令郭景先次計料以聞仍仰閩世雄往來照
管務要協力催督早得辦集候一切圓備別聽指揮卻
令關前司鎮江都統制司依舊分定管認各先具知稟
聞奏

從帥且郭
景之請也

全唐文

宋會要 六合城

孝宗隆興元年詔修真州六合城以九月二十二日興役十一月九日畢北城翔立餘增修乾道二年八月主管步軍司陳敏復請別浚城濠於舊壕填築羊馬牆更增城五尺從之三年正月二十四日詔給寶藏南庫銀八千兩修六合城先是淮東總領所當辦修城工費二萬七千緡免之四年四月五日詔揚州六合修城塹凡材木執灰木脚等錢自浙西往者官盡給其價上因曰工役如此苟錢不給恐州郡科歛蔣芾曰陛下念及此天下幸甚及有司程費以聞上又慮外府或聞不

時給命以內庫錢八萬緡償之 九月一日詔揚州和
州六合縣修城等入役官兵慮有病患今逐處守今同
統兵官專差職醫診視官給湯藥十三日馬軍司言修
築和州城壁或遇陰雨其工役官兵難住修築土工畢
數却併手運致材植及措置石段樞要收積瓦滓之類
即無停歇欲望下所屬將本司修城官兵合破食錢如
遇天雨亦乞全支從之 五年二月一日權主管侍衛
步軍司王宏言先被旨於六合城外挑掘遠壕及展北
城竊詳工料浩大卒難就緒今措置不若取遠壕土止
於壕裏堆積可高二丈如此則無推壞增徙之勞緩急
虜騎奔衝前有壕水後有積土足可禦敵從之 紹熙

三年十月二十六日步軍司言六合縣北大城修築包砌將已圓備見將創造到萬人敵馬面子團敵通過樓共二十二座接續卓立以為杆嘉泰三年七月六日臣僚言六合縣自修城以來用戍兵守把因遂初收門頭錢本縣十二門軍中各日立定額送納隨軍庫公用凡經從城門者皆令出資金然後得行至有隨其貨物多寡戍兵以意取覓公納之外餘則分需大抵利之所在官立嚴禁尚且抵冒刑憲况公許之乞取則事體可知若曰營寨去處量有所收猶是百姓不應入營寨今六合之城郭乃郡縣之城郭也人民商旅所當經行豈應出入有門頭錢耶乞降黃榜下六合縣蠲除令本處大

字備錄黃榜十二門使往來通知仍劄下盱眙軍照會
庶絕天長他日之患從之

全唐文

宋會要

佛生勅

乾道三年十二月十五日詔修真州城先是上語輔臣
揚州城已畢工陳俊卿因言張_邦乞城真州似可從魏
杞曰若免上供諸色錢或朝廷捐二三萬緡佐之自可
辦上曰善至是詔修之凡十月畢工費緡錢十萬米一
萬三千碩乾道四年三月十五日戶部言權發遣真州
張_邦措置修築城壁合用竹木乞下所過稅場審驗通
放法難以行詔特從之

全唐文

宋會要

上京府城

紹興三年十二月八日尚書省劄子勘會壽春府密隣賊境城壁不修詔令孫暉依都督行府已行事理疾速相視於壽春縣修築仍約度周圍丈尺合用若干工料具狀入急遞申尚書省二十七日軍執進呈泗州劉綱乞調滁州千夫修城既得旨施行而言者以為非上曰百姓誠不可勞但邊城利害至重天下之事亦權輕重大小而為之朕愛民力一毫不敢動唯此役為不得已也宰臣趙鼎奏曰前日得旨已令優支錢米御史中丞常同言近嘗論泗州修城有妨農事竊緣正當春雨霽

京東路

應移前

壞枉費人力今耕種將興淮南新開荒廢之田有幾而
頃起夫役三千人令自備器用其擾甚大乞早降指揮
住罷如欲修繕須俟農隙詔令泗川更切相度如委是
有妨農作即行放散

宋會要

條州城

元豐元年正月二十二日賜度僧牒百道付京東路轉
運司撥還徐州築城興置木岸等所借常平錢

全唐文

宋會要

淮南西路

和州

乾道三年十二月十五日權發遣和州主管淮南西路
安撫司公事胡昉言見於千秋澗取土燒磚甃砌澗上
城及捺黃墊斗米河關隘埧堰等事欲望於內府假會
子二十萬貫及乞下淮西總領所支米五萬碩付本司
相兼支用從之是歲詔修和州城來年三月畢工馬軍
司言樓堞壯實堪備禦詔部役官張遇等優推賞乾
道六年^上主管侍衛馬軍司公事李舜舉言被旨差撥官
兵創修和州城壁今已畢工其城壁表裏各用甃灰五
層包砌糯米調灰鋪砌城面兼樓櫓城門委皆雄壯經

久堅固寔堪脩禦部役官張遇等三人悉心措置寔有
勞效欲望優與推賞所貴有以激勸從之 乾道八年
十二月八日武節郎馬軍司左軍統制田世卿言和州
在淮西捍蔽長江為要害之地竊見朝廷費數百萬緡
堅築城壁其勢甚壯然公城一帶周匝八几里濠塹尚
多未鑿是有金城以為之表而未有湯池以為之表也
欲望專命臣當農隙之時開濬濠塹責以成效則和州
城池皆有表裏詔守臣胡與可措置開濬仍相視東北
角嶽廟下地形高阜之處開掘便宜具申樞密院

全唐文

宋會要

廬州

隆興二年正月二十一日江淮都督府叅議官馮方言廬
州城圍約二十里今欲捺壩以留焦湖落水上曰城未
湏築堰植水捺壩為先乾道五年十二月二十九日詔
修廬州城明年三月二十二日興工四月畢修築軍士
第賞有差是歲詔修楚州城役兵萬人為日六十錢六
萬緡米萬五千碩八年十二月復給錢二萬緡增修乾
道六年正月二十四日侍衛親軍馬軍都指揮使奉國
軍承宣使淮南西路安撫使郭振言廬州城圍並已修
築整脩合用防城篋籬牌抱座掛塔器具等用錢浩瀚

伏望支降度牒百道相兼計置從之乾道九年六月十
一日建康府駐劄御前諸軍都統制郭綱言廬州城壁
每年差撥一軍五千人欲望睿旨於諸軍共差一千人
前往專一修治未備城池每及一年依此差人交替從
之紹熙二年正月二十五日上謂葉翥昨言廬州不可
守修城亦無用葛邲奏曰廬州非不可守若有三萬人
即可守而城池亦不可以時葺胡晉臣奏曰不可因其
難守便廢邊防上曰極是若遇事遽以勞擾輒廢即是
導人以苟且恐不可慶元元年暑雨暴漲衝突城壁帥
王知新因命整治并疎暗渠浚長壕修甕城視舊加倍
壁壘崇堅樓櫓相望稱雄淮右復請於朝歲遣金陵戍

卒三千以時繕治號防城軍又奏郭振修築以古城中
分為二於市河之南別築斗梁城橫截舊城之半而阻
絕市河於斗梁之外舊北城七里不復加葺葺曾不知郡
當西淮要衝市河通徹巢湖可以遭運又有居巢歷陽
射胡關相為犄角乞行築修且乞開浚城外長河三道
以增城壕之深以壯形勢開禧二年帥田琳畧加增修
是冬虜果入寇藉以捍禦然事力未備規摹未壯嘉定
四年夏潦浸淫城壁多圯先是朝廷以本州強勇軍多
城省防城軍止差千人帥李大東復請增為二千於是
新城古城悉加修築數月而就併疏三壕合鷄鳴山水
入於市河金湯益固比險方漢云古城凡九十三處羊
馬牆八百八十四丈

水填九處九十二丈卧牛一十五處相為錯長云
六丈又增修古城一帶女頭與內城

全唐文

宋會要

宣州

高宗建炎元年八月十四日資政殿學士知宣州呂好問言朝廷見欲迎奉宗廟及元祐太后前往江寧府宣州密邇實為屏翰今欲相度修治城池先於本州剗刷廂軍拘收雜役或不足即下所隸諸縣量行雇夫使用乞支降見錢十數萬貫兼鹽鈔度牒等仍下轉運司多方應副庶幾製造守禦之物及雇夫錢物並從官給不困民力詔於真州措置司支撥鹽鈔五萬貫餘依所乞

宋會要南寧府城

元豐元年閏正月七日權發遣提點刑獄劉宗傑言邕州修城不依宣撫司指揮尺寸乞下經畧司相度修築詔劉宗傑自案舉免罪外干繫官並劾奏委經畧司相度所築城如堪久遠守禦即指揮速覈若低怯難禦敵別計工以聞三年正月七日廣南西路經畧司言劉誼已奏修邕州城乞免土丁今年教閱以備來年差願詔候修築日被願土丁與免教閱紹興二十七年六月十一日權發遣邕州田經言邕州左右兩江並是歸明羈縻州洞居止外通交趾諸蕃自來於溪洞內置五寨鎮彈壓洞民每寨有都同巡檢知寨都監主簿及兵

級三四伯人請受全藉知寨主管博易場及溪洞苗米稅賦等應副支給及修葺城塹每官到罷各有酬賞惟知寨更添減年最為親民要職近來多是七人及待闕官時暫權攝既不應賞格無所顧藉與溪洞官典通同交易是致財賦匱乏支遣不繼兵級逃遁十存二三城暫傾頽殆將過半乞行下本路帥司今後知寨不許差人權攝須踏逐有材武廉謹人奏辟正任申朝廷差注任滿候正官交替方得離任有事故者以次官兼權寨中所管稅賦仰本江都巡檢互相關防庶可招填土兵修葺城塹以寔邊面從之

全唐文

宋會要 建康府城

乾道元年九月二十八日端明殿學士知建康府汪澈言建康當舟車之會控扼之衝其中宮闕之嚴官府之重而城池頽塞久而弗治私竊感嘗計工頗浩漑其摧損一百三十處量計一千七百餘丈約用錢二十萬貫已於五六月以來興工補築不出年歲可以究竟其他如鵲臺女頭等續次措置從之淳熙四年九月十二日知建康府劉洪言本府修砌城面畢工已將城外分四隅城南面自甕城分中以東至上水門委本府兵馬鈐轄城中以西至二水亭委親兵統領城西門自賞心亭

以北至北門委正將城北門分中以東至上水門委副將躬親往來巡視如稍有損裂去處即時申府修補從之

江南西路

宋會要

南昌府城

政和七年六月十五日詔洪州在江南為一都會訪聞
外城門啟閉無時深慮鍵閉不嚴透漏私商姦細浸久
生患仰本州常切指揮兵官遇夜分詣逐門檢視封鎖
飛申間遣曹掾官覆視稍有違慢守門人等並行決配
當職官衝替

江南西路

宋會要

贛州府城

紹熙二年十二月三十日詔知贛州高夔特減三年磨勘以修築本縣城壁有勞故也

宋會要

饒州府城

紹興十六年十一月二十二日知饒州張杓言本州與江池接境密通淮甸城壁頽毀委官檢計得合修築去處計四百六十六丈人工物料共用錢米八萬九千六百餘貫碩乞應副修治詔令所屬給降空名進義校尉綾紙五道助教勅四道並充修城支使臣僚言饒州城壁係一面邊大溪每至春月必為大水所浸以是前後屢修屢壞加以官吏因緣作過六縣之民用於此役愁歎之聲不可聞今張杓所乞錢物已蒙朝廷支降竊恐上件綾紙并勅所得錢數無多本州不過只是應耐從

之

荆湖北路

荆湖北路

荆湖南路

全唐文

宋會要 靖州城

淳熙十四年五月二十四日詔尚書省給降度牒二十道付湖北安撫司充靖州修城支用候農隙日興工仍先次計料開具奏聞從知靖州薛世青之請也

宋會要 辰州府城

嘉祐二年七月十六日詔辰州築外城候工畢人給鹽三斤

宋會要 長沙府城

元豐二年正月二十一日詔荆湖南路轉運司罷置潭州樓櫓其修城限五年全邵州限三年工畢役兵不足

許募民夫 三年五月一日詔潭州全邵州民出修城

夫錢減三之一潭州湏歲稔興工全邵州以五年為限

先是詔潭州修城限五年全邵州限三年工畢役兵不

足許募民夫至是復展期限 宣和六年三月二十九

日湖南安撫司奏契勘潭州城壁興築年深例當摧損

申畫朝旨給降空名度牒一百道應副修完子城外城

並依元料畢工門樓屋各依法式創新起造及城東西

水窵並用大石釐砌各得堅完了畢詔曾孝序特除龍

圖閣直學士候令汪滿日令再任其提點修城部役等

官令轉運司覈實其工力等第保明奏聞 紹興三年

五月六日左司唐煇言潭州雖係帥府城中凋殘自折

彥質到任大爲修城之計科敷十二縣應副物料其數甚廣守臣繕治城壁固所當先然不可不以其時而奪民之力方農事興作耕者尚少又使之往來般運瘡痍未平復又科敷乞今且治闕壞使足以守如欲興築當俟農隙其有科敷乞賜約束詔檢會已劄下事理并今來臣僚上言劄與折彥質照會施行彥質言本州殘破之後官司倉庫焚蕪殆盡樓櫓摧塌器具皆無城圍汙漫難以守禦乞從臣斟酌將空閑處裁截三分之一都省勘會裁截一節仰提刑轉運安撫司同共審度保奏臣契勘所乞錢物修葺非爲目下便要興工緣材植竹木磚瓦所用浩瀚若不逐旋收拾將來農隙趁時下手

卻致騷擾民間又告勅度牒亦非臨期可變轉之物今
來已是六月去其時不遠望將降處分施行詔令禮部
給降荆湖南路空名度牒二百道專充修城支使十月
二十九日本路提刑轉運安撫司保奏到委都監及壕
寨司官打量城身周迴二十二里九步西臨大江東南
兩壁並依山勢不可裁損唯有北壁地脊荒開南北相
去遙遠今相度欲就北壁裁損於朝宗渌波兩門之間
截去城地三分之一共七里半外所有新城圍計一十
四里一百八十九步將來興工須拋下六縣料率百姓
誠為可憫比勘會本州有鑄錢監兵士稍多每日坐食
無所營為乞令不計工程逐旋修補磨以歲月自見功

効即不得下諸縣科夫及所用止於所降錢內取足亦不得妄有敷率庶幾公私兩便詔從之 紹熙三年十月七月詔禮部給降度牒一百道付潭州充修城使用委漕臣豐誼提督收支不許一毫擾民以帥臣周必大奏請故也 慶元五年八月一日樞密院進呈知潭州王蘭中築城圖脩余端禮等奏此役甚大所費不盡出朝廷本州措置為多王蘭合少旌其勞上曰降詔獎諭事體稍輕宜與建官一等端禮等曰陛下處分甚得輕重之體

宋會要 襄陽府城

乾道五年四月二十四日知襄陽府司馬倬言申獲勅

肯再貼築府城用甃内外包裹及增置樓櫓守城器具
合用工物浩瀚詔給錢五萬買禮部給度牒百道仍就
襄陽府椿管米支給萬石例乾道七年八月十九日荆南
駐劄御前諸軍都統制秦琪權京西轉運判官兼權知
襄陽府張棟言襄陽府城樓櫓雉堞委宵壯觀止其中
砲臺慢道稀少緩急敵人併力攻城緣道遠援兵難以
策應今欲增築砲臺四座慢道十一條及城東南西壁
舊皆直門若敵人併兵攻燒無以遮護今欲於逐門外
各築甃城一座緩急軍馬易以出入可以禦敵子城西
角除女頭鵲臺護險牆荷葉渠外止有戰道六尺至七
尺狹隘容人不多今欲增高接築自裏增貼與已築城

面晉高三丈三尺面闊二丈二尺自西北角抵江岸止
二十餘步以漸頭東至北角去江岸三百三十餘步地
步廣闊敵人可以屯泊相度欲移北壁工役於西北角
抵江岸二十二步東北角抵江岸三百三十步與兩城
角圍樓相接紐築鴈翅鎗匙頭城二座東壁紐築馬面
子五座上安戰棚各十四間就裏築砲臺一座慢道二
條開城門一座西壁亦開城門一座上安戰棚各十四
間慢道一條城上接圍樓各置關門一座外壁用甃包
砌可以照應樊城互相策應及兩鴈翅城門亦可引拽
軍馬出奇應變兼樊城東西已有鴈翅城襄陽城北若
不依此條築圍護則諸軍車戰馬船無所繫泊并一帶

居民盡成棄況襄陽城中地形甚高而漢江至秋冬
水落其流甚低城中井泉甚少常患乏水今若修築鴈
翅城直接江南則與大江移入城中無異且本府北門
正與樊城相直兩城屹立中據大江敵人無路可犯實
為大利伏望速賜處分詔鴈翅城別聽旨餘從之

荆湖北路

全唐文

宋會要

荆門州城

紹熙三年三月十二日詔於鄂州大軍庫椿管會子同
支撥一萬貫付荆門軍專充修治城壁使用從知軍陸
九淵所乞故也

宋會要 永州府城

此及永州府
志注乃合
步也

府城始創於宗咸淳癸亥歷元因之洪武元年恢復以
米屢加修葺六年本衛官撤舊而更新之周圍九里二
十七步計一千六百四十四丈五尺高三丈城門凡七
一正西二永安三太平四正南五正東六正北七瀟湘
門上各建重樓復增新德勝望江鵝子嶺及五間樓凡

永興軍路
小學改大字



四座通計一十一樓周環串樓凡一千三百九十有六
 雖堞凡二千九百四十有二鋪凡七十有六壕則洪武
 元年以來屢加開浚由城西北隅至于南門皆瀕瀟水
 由西南而東隄水為池深一丈闊一十丈又東至于北
 門開土為壕深一丈八尺闊四丈五尺又自北門至于
 西北聯屬為池深一丈五尺闊一十五丈水常不涸其
 高下遠近並因地勢降授朝散大夫允祿獻閣待制永
 興軍路安撫使董正封奏臣勸會見今修完永興軍城
 壁樓櫓損壞之處元料計六十二萬九千六百四十三
 工除五萬九千已役外有五十萬七千六百四十三本
 軍雜有壯城兵士差往西京修城等差使占城外見管
 八十四人願見債以歲月修完未了除本司已有見管
 修城錢數外欲望支帑度牒四百道承此批額人修造
 不惟城壁計日可了無可以存養吳之道永州內譙外
 關食人戶詔依所乞將支二百通

城記 天子制地千里以待諸侯正為民也非為諸侯
也以千里之民寄之撫^牧維藩維翰苟得其人非民社
禍乎矧永為佳山水郡我藝祖皇帝肇基于茲郡以永
名惟王萬年子子孫孫永保民之義也永去天雖遠人
蒙厚澤耕鑿相安自有不竭而高不池而深不闕而固
者紹興間曹^成咸請寇棹輒徑入至嘉定而又有李元礪
之瀕洞趙侯善謚始增修其裏城焉外城猶未暇及開
慶己未難從南來永當上流門戶受害尤毒疆民無知
怙亂焚劫公辭氏廬蕩^為氏一燼提刑黃公夢桂於庚申
秋擁節兼郡議築外城周圍一千六百三十五丈儲費
均役規模井如也公未幾免去邱侯驛孫祕丞而知郡

事者一年有半張侯遠猷以道倅而攝郡事者又半募
陶甃甃砌僅及西南二隅太府寺丞謝來領郡寄首登
城歷覽且曰掌固之職城郭為先然潢池之牛犢幸安
而中澤之鴻鴈粗集子將勞民寧無病民乎僚屬曰勞
民特暫爾實遺民無窮之逸侯曰今為民病者得非科
歛之不一調差之不公歟吾則弛科斂調差而使之樂
其勞得非靡屨之不給廩食之不充歟吾則增靡屨豐
廩食而使之忘其勞揭而曉之間者應募於是坭土為
甃風石為灰材用足畚鍤具杵築之聲與歌聲相和運
甃之力與日力俱進鳩工於癸亥之秋而訖工於甲子
之夏正門四東曰和豐西曰肅清南曰鎮南北曰朝京

開便門五以通汲水女牆雲矗雉堞天峻真可以為侯
國之眉目邦人之高華侯復曰外城堅則堅矣裏城重
難猶自露立甚非龍藩氣象迺博浮費致工師鼎而新
之不三月而落成樓觀翬飛嚴嚴翼翼視外難猶大有
加環永之民萬口交頌莫不曰維獻主申實為周翰侯
今之申者也欽奉王命式是南國有倣其城皆申之功
詩人不獨美其于蕃蓋美其能于宣也申之心在乎蕃
宣豈有心詩人之美哉之道拱而進曰宋有天下三百
餘年而後方有斯城况侯人賢於城者烏可無以紀之
侯曰紀實足矣揄揚則不可之道敬撫輿言之實而壽
於石庶來者可考云侯名奕信字愈信咸淳乙丑正月

望日記

卷之九

三

宋會要 福州府城

紹興二年六月十一日軍執進呈趙汝愚條具到福州
催科二稅及修城利害上害曰州郡城壁不比邊州既於
百姓不便具緩修築亦無害害紹興二年十月二日知福
州趙汝愚言竊惟本州民物浩繁垣高五六尺姦民出
入無度委是非便今已措置磚石欲只用舊基稍增一
二尺釐以磚石而所費工役不多易以可辦從之

宋會要 泉州府城

熙寧九年四月二十一日詔福建轉運常平倉於年計
及役剝等錢內支撥修築泉州外城

宋會要 連城縣城

紹興三年七月十五日汀州言之將蓮城堡創置一縣
詔依以蓮城縣為名

宋會要 成都府城

咸平四年四月十八日知益州雷有終轉運使馬亮等
言準詔商度毀本州馬城濠利害竊以郡國城隍其未
久矣蓋所以聚民居而防他盜也本州頃歲李順之亂
賊內外攻即日而陷此城池頽圯之咎也去歲三由之
叛姦中內作經平自固此城池完葺之咎也然而理亂
之事雖繫于人亦關冥數非可預測況此城頽因蠻人
未寇民受塗炭至唐天成三年節度使孟知祥遂謀創
築若緣均賊前事誠合去除又慮異時寇盜外攻復資
爲備欲請仍舊不毀從之

宋會要 茂州城

熙寧九年五月十二日詔茂州城令知成都府馮京相度乘兵勢修築仍差軍馬防托如有侵占蕃部地即買之

宋會要叙州山城

慶元元年二月二十七日四川安撫制置司言叙州申本州城壁管城門七座除安詔未遠兩門計城身二百七十二丈見行隨宜計備材植修葺外餘荔枝甘泉朝天奉恩蓮華五門計城身九百四十二丈五尺本州雖以申明未準支降錢糧修築本司照得潼川運判張澈奏任內有趙積到錢二十餘萬緡撥一十萬緡糴廣惠倉米一十萬緡椿充備邊之用無乞朝廷特賜行下潼

梓慶路

川運司於上件椿備遣錢內支撥錢引二萬貫應副叙
州修築施行詔令支撥錢引一萬貫仍委丁逢措置修
築候畢工日具已修築次第申尚書省

宋會要栢木州古城

政和元年正月二十九日梓慶路鈐轄司奏準樞密院
副子臣僚上言伏見南平軍漆州因今歲大雨淋注城
壁馬面踏道敵樓棚屋摧塌側亞內南平軍八處漆州
一十餘處丈尺不等逐州軍見今催督官兵併工修補
施行次契勘葺路邊壘土脉不堪及霖雨所以久未盡
用板屋庇護城身或因風日吹曝便致踈漏兼板簷短
促往往淋瀝城身致夏雨頻併之時多有墊壞欲乞今

後應守禦地分敵樓棚屋悉令添換長板出簷滴水不得衝注城身及厚用灰泥固護每歲春時州軍檢舉添灰泥飾度得城壁完密不失守拒之備詔委本路鈐轄司相度聞奏今割付梓潼路鈐轄司準此本司勘會潼州路諸州軍城壁內有木板遮蓋去處本司今相度欲依臣僚上言用長板遮蓋出簷滴水每歲以冬時點檢添灰泥飾所貴時月灰泥堅固妥是穩便從之

宋會要樂共城

江縣樂共城元豐四年置

宋會要播川城

播川城宣和三年以播州并播川縣改

宋會要

廣州府城

景祐四年五月十七日廣南東路轉運司言廣州任中師奏城壁摧塌乞差人夫添修欲依中師所請詔廣州更不差夫只那合役兵士先從摧塌及緊要處修整慶歷五年五月八日資政殿學士知曹州任中師請修廣州子城仍請置巡海水軍兩指揮從之中師嘗知廣州以州獨有子城而廢久不修恐緩急有盜不足以守禦也皇祐四年十月二十九日詔知廣州魏瓘廣東轉運使元絳凡守禦之備毋得苟且而為之若民不暫勞則不能以久安其廣州城池當募蕃漢豪戶及丁壯併力修完之若無捍敵之計但習水戰寇至而鬪非完

策也時儼智高運據邕州日採木造舟而揚言復趨廣州故也五年五月二十三日詔諸路城池擴衝要者即修築之其餘以漸興工毋或勞民神宗熙寧元年四月二十三日龍圖閣直學士呂居簡言前知廣州伏見本州昨經儼賊後來朝廷累令修築外城以無土難興修本州子城東有舊古城一所見存與今來城基址連接欲乞通作一城詔令廣南東路經畧安撫司疾速計度功料如法修築本路轉運使王靖乞降空名祠部一千道付經畧司出賣雇召民夫詔給祠部五百道七月十一日廣東經畧轉運使王靖言廣州子城見差官燒塼候至今秋修砌乞降空名祠部一千道付經畧司

出賣雇召民夫詔給祠部五百道據呂居簡所言人戶
於街衢見砌石段仰權借修砌城脚候官般到即給還
之 十二月十三日廣南路東轉運使王靖言修展廣
州東子城修畢 五年八月十二日提舉廣州修城張
節言創築廣州西城及完舊城畢廣州舊無城魏瓘
知州事始作子城初儂智高作亂據邕州率衆浮江而
下數日抵南海知州仲簡嬰子城自守其蕃漢數萬家
悉委於賊席卷而去蓋其始謀知廣之無城可以鼓行
剽掠無所忌自是廣之人常偽言相警曰某寇且至莫
安其居議者皆以為土多蜺殼不可城知州程師孟以
為可於是令經畧轉運提點刑獄三司連書併圖奏上

朝廷遂可之仍遣節度董役以八作都料自隨蓋慮南方不便版築也凡十月而畢師孟等上言稱謝降詔獎諭賜師孟轉運使向宗道各銀絹一百匹兩提點刑獄陳倩周之純轉運判官盧大年各銀絹五十匹兩部役勾當官仰安撫轉運司勘會保明聞奏張節度候至京日取旨支賜 熙寧九年二月十一日賜錢五萬貫付廣東轉運司修完轄下州軍城壕 元豐二年十一月二十八日賜廣州度僧牒三百濬城壕 元豐三年六月九日詔權知賓州殿中丞吳潛權發遣提舉廣東路常平等事以潛上書乞修城壘上從其請故有是命 紹興元年四月二十八日詔廣東路轉運司疾速那撥

廣南東路

修城錢五千貫付廣州專充修城使用以府臣趙存誠有請也

宋會要 肇慶府城

紹興元年十一月十八日康州奏據本州居人通直郎伍士偕等狀本州係是主上昨來潛藩竊見肇慶府元係端州道君皇帝即位推恩展拓城壁朝廷降錢二十四萬貫今來軍興之際不敢過有耗費只乞支度牒四十道付轉運司應副建雙門一座以揭府牌及量修城壁等詔令禮部修寫廣南東路空名度牒三十道應付支用

宋會要 康州府城

廣南西路

紹熙二年十月三日權知廣州沈杞言本州城壁係邊
海去處每年夏秋間颶風不時發作其城上屋宇間有
損動乞令本路經畧司行下本州守城兵官常椿物件
自今後城壁屋宇遇颶風發作隨有損處即便修葺不
得模有損壞從之

廣南西路

全唐文

宋會要

附

澄州賀川郡領四縣開寶五年廢州省止戈賀水無虞
三縣入上林縣隸邕州